

Cifras negativas tar las pernottaziuns grischunas

■ (rtr) Il trend vers aval cuntinua. Da 18 destinaziuns grischunas èn mo las cifras da Bregaglia (162 pernottaziuns/+18,2%) e San Bernardino, Mesolcina/Val Calanca (1304 pernottaziuns/+10,2%) positivus. Quai communitescha l'Uffizi per economia e turissem dal Grischun. Cumpareglià cun il schaner 2015 ha il Grischun pers il schaner 2016 106216 pernottaziuns. Mess en relaziun cun la media dals ultims tschintg onns èn las cifras anc pli nauschas: cun -19,1% ha il Grischun pers mintga 5avel giast.

Val Puschlav e Savognin sperdiders pli gronds en Grischun

Da las 16 destinaziuns che perdan nodan la Val Puschlav (-36,8%/785 pernottaziuns) e Savognin (-31,9%/9053) ils pli gronds minus en cumparegliazion cun l'onn passà.

Grischun sperdider pli grond en Svizra

En la statistica svizra è il Grischun danovamain la regiun turistica cun il regress il pli marcant da tut las regiuns en Svizra. Quai mussan las cifras publicadas da l'Uffizi da statistica federal. Il chantun Vallais ha -9% pernottaziuns, la Surselva bernaisa -7% pernottaziuns.

L'hotellaria svizra ha pers il schaner 2016 6,8% da las pernottaziuns. En cifras absolutas èn quai 189 000 pernottaziuns pli pauc.

En emprima lingia han mancà giasts da l'exteriur: -8,4% u -120 000 pernottaziuns.

Ma era las Svizras ed ils Svizzers mancan: -5,2% u -69 000 pernottaziuns.

L'Uffizi da statistica federal numna las relaziuns da naiv pauc favuravlas sco raschun principala per il minus.

